

**Қазақстан Республикасының Ақпараттандыру және байланыс жөніндегі агенттігі мен
Корея Республикасының Ақпарат және коммуникациялар министрлігі арасындағы
Байланыс және ақпараттандыру саласындағы ынтымақтастық туралы келісімге қол қою
туралы**

Қазақстан Республикасы Үкіметінің 2004 жылғы 17 қыркүйектегі N 971 қаулысы

Қазақстан Республикасының Үкіметі қаулы етеді:

1. Қазақстан Республикасының Ақпараттандыру және байланыс жөніндегі агенттігі
мен Корея Республикасының Ақпарат және коммуникациялар министрлігі арасындағы
Байланыс және ақпараттандыру саласындағы ынтымақтастық туралы келісімге қол
қ о ю ғ а к е л і с і м б е р і л с і н .

2. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі

**Қазақстан Республикасының Ақпараттандыру және байланыс жөніндегі
агенттігі мен Корея Республикасының Ақпарат және коммуникациялар
министрлігі арасындағы Байланыс және ақпараттандыру саласындағы
ынтымақтастық туралы
Келісім**

Бұдан әрі "Тараптар" деп аталатын, Қазақстан Республикасының Ақпараттандыру
және байланыс жөніндегі агенттігі мен Корея Республикасының Ақпарат және
к о м м у н и к а ц и я л а р м и н и с т р л і г і ,

тең құқық және өзара тиімді ынтымақтастық қағидаттарына негізделген
ақпараттандыру және байланыс саласындағы экономикалық және ғылыми-техникалық
қатынастарды дамытуға ұмтылуды басшылыққа ала отырып,

ақпараттық-коммуникациялық инфрақұрылымды құру мен дамыту жөніндегі
бірлескен жобаларды жүзеге асыруда өзара мүдделілікті сезіне отырып,

байланыс және ақпараттандыру саласындағы құқықтық, экономикалық,
ғылыми-техникалық ынтымақтастық үшін тиісті жағдайлар жасау және қатынастардың
үйлесімді дамуына ықпал ету мақсатында,

Қазақстан-Оңтүстік Корея сауда-экономикалық ынтымақтастығы жөніндегі
үкіметаралық комиссиясының 2003 жылғы 10 қарашадағы екінші отырысы барысында
қол жеткізілген уағдаластықты іске асыруға ұмтыла отырып,
мына төмендегілер туралы келісті:

1-бап

Тараптар ақпараттандыру және байланыс саласындағы ынтымақтастықты мынадай салаларда жүзеге асыруға келісті:

- 1) жеке сектордың инвестициялық жобаларын бірлесіп іске асыруды қолдау;
- 2) консалтингтік қызметтер;
- 3) мамандарды оқыту және олардың біліктілігін арттыру;
- 4) Тараптар, бірлесіп айқындайтын басқа да салалар.

2-бап

Нақты жобаларды іске асыру кезінде Тараптар екі Тараптың мемлекеті қатысушылар болып табылатын зияткерлік меншікті қорғау саласындағы ұлттық заңнаманы және халықаралық шарттарды басшылыққа алады.

3-бап

Тараптар осы Келісімнің 1-бабында айқындалған ынтымақтастық саласында өзара консультацияларды жүргізу мақсатында делегациялар алмасуға ықпал етеді. Тараптар осы Келісімді орындау барысында туындайтын шығындарды, егер әрбір нақты жағдайда өзгеше тәртіп келісілмесе, олар өз алдына жеке көтереді.

4-бап

Тараптар осы Келісімнің ережелеріне қайшы келетін, оның мақсаттарына жетуге кедергі келтіретін және интеграциялық процестердің дамуына қандай да болмасын залал әкелетін әрекеттерден бас тартады.

Осы Келісім өздері қатысушылар болып табылатын басқа халықаралық шарттардан туындайтын Тараптардың құқықтары мен міндеттемелерін қозғамайды.

5-бап

Осы Келісімнің ережелерін түсіндіру немесе қолдану кезінде даулар туындаған жағдайда, Тараптар оларды екі жақты келіссөздер және консультациялар жолымен шешетін болады.

6-бап

Осы Келісімнің ережелерін өзгерту немесе оның қолданылуын тоқтату, ол толық аяқталғанға дейін ол қолданылған кезеңде жасалған шарттар (келісім-шарттар) бойынша жобалардың орындалуына әсер етпейтін болады.

7-бап

Осы Келісім қол қойылған күнінен бастап күшіне енеді және бес жыл мерзімге жасалады. Осы Келісім егер Тараптардың бірі тиісті бес жылдық мерзім аяқталғанға дейін алты айдан кешіктірмей оның қолданылуын тоқтату ниеті туралы екінші Тарапқа жазбаша хабарлама жібермесе, келесі бес жылдық мерзімге өздігінен ұзартылатын болады.

Осы Келісім Тараптардың бірі екінші Тараптан тиісті жазбаша хабарлама алғаннан кейін алты айдан кейін өзінің қолданылуын тоқтатады.

2004 жылы "___" _____ қаласында әрқайсысы қазақ, корей, орыс және ағылшын тілдерінде екі түпнұсқа данада қол қойылды, әрі барлық мәтіндердің күші бірідей.

Осы Келісімнің ережелерін түсіндіру кезінде келіспеушіліктер туындаған жағдайда, Тараптар ағылшын тіліндегі мәтінге жүгінетін болады.

<i>Қазақстан Республикасының</i>	<i>Корей Республикасының</i>
<i>Ақпараттандыру және байланыс</i>	<i>Ақпарат және коммуникациялар</i>
<i>жөніндегі агенттігі үшін</i>	<i>министрлігі үшін</i>